

元始无量度人上品妙經卷之十八

素景曜靈品

道言昔於元洞天中慶霞流音太空化土受元始度人素景曜
靈无量上品元始天尊當說是經周迴十過以召十方始當詣
座天真大神上聖高尊妙行真人西華玉妃四極真王黃素元
君飛天騎吏仙官主宰無鞅數眾乘空而來白雲綠霞羽駕颺
輿華蓋浮晨珠璧交光五色鬱勃洞煥太空九日九夜諸天日
宮月府星闕辰樓元斗停機三道平周剛風鎮靜崑嶽收雲地
浮五瑞天開八門境土山川城廓林木緬平一等無復高下土
皆變瓊瑤無有異色眾真侍座元始天尊玄坐空浮萬葉寶蓮
道藏輯要

度人妙經

三

×××

角集四

之上說經一遍諸天大聖同時稱善是時一國男女仰聽法音
神識開悟說經二遍靈府虛明說經三遍默契玄妙說經四遍
真炁灌身萬疾皆愈說經五遍體合正道眾惡消摧說經六遍
三十二天發見真文說經七遍九天主境四極玄宮三洞寶經
昭然徹見說經八遍員羅之下太空之中一切音聲皆參大範
說經九遍九色妙光下燭幽夜普赦北酆受苦罪魂說經十遍
十方萬類遂性逍遙是時一國是男是女莫不傾心皆受護度
咸得長生

道言是時元始天尊說經一遍東方无極无量品華林大神無
鞅之眾浮空而至說經二遍南方无極无量品赤文大神無鞅

之眾浮空而至說經三遍西方无極无量品帝符大神無鞅之
眾浮空而至說經四遍北方无極无量品元景大神無鞅之眾
浮空而至說經五遍東北无極无量品青精大神無鞅之眾浮
空而至說經六遍東南无極无量品圓珠大神無鞅之眾浮空
而至說經七遍西南無極无量品廣霞大神無鞅之眾浮空而
至說經八遍西北无極无量品金華大神無鞅之眾浮空而至
說經九遍上方无極无量品紫霄大神無鞅之眾浮空而至說
經十遍下方无極无量品靈都大神無鞅之眾浮空而至十遍
周竟十方无極天真大神一時同至一國男女傾心歸仰欣聞
元始宣說素景耀靈之法外生天地結成混沌內生萬物變爲
道藏輯要

度人妙經

三

角集四

×××

嶽瀆皆由无形五行真金之性虛明同力不可破壞至生人神
知見悲喜率因素景不鑿之剛耀靈明察之體而以爲之物有
堅脆其成爲一人有聖凡其知爲一我等雖懷此金未經治鍊
今遇元始以此法火瑩此神金鑄爲法器成此道力无量變化
作是說已欣樂再拜旋遶座側來者有如細雨密霧無鞅之眾
迨國一半土皆徧陷非可禁止於是元始懸一寶珠大如黍米
在空玄之中去地七丈元始登引天真大神大聖高真妙行真
人十方无極素景耀靈至真大神無鞅數眾俱入寶珠之中天
人仰看惟見勃勃從珠口中入既入珠口不知所在國人廊散
地還平正無復欹陷元始卽於寶珠之內說經都竟眾直監度

以授於我當此之時喜慶難言法事粗悉諸天復位倏歛之間
寂無遺響是時天人遇值經法普得濟度全其本年無有中傷
傾土歸仰咸知妙微無執無滯無想無結無愛無憎無苦無惱
無敗無虧心行正道言合天機齊同慈愛異骨成親國土康安
永慶太平經始出教一國以道預有至心宗奉禮敬皆得度世
道言元始天尊說經中所言並是諸天上帝內名隱韻之音亦
是真王內諱百靈之隱名也開示道妙無形五行先天地生同
寓一炁浩劫不分內有神金素景耀靈外成諸天內爲真神剛
堅無壞萬物仰成爾能知之可以長存非世之常辭上聖已成
真人能悉其章誦之十過諸天遙唱萬帝設禮河海靜默山嶽

道藏輯要

度人妙經

卷

角集四

藏雲金輪停景玉璣不行浩浩太空飛度生門柔爲至剛虛爲
至藏大不可圍廣不可量金光素景耀靈無方堅凝流行得道
之疆羣魔束形鬼精滅爽回屍起死白骨成人至學之士誦之
十過則金門校仙真錄奉玄五帝侍衛三界稽首魔精喪眼鬼
祇滅爽濟度垂死絕而得生所以爾者學士穢氣未消體未洞
真神金未堅遇火則鎔素景未潔耀靈昏矇召制十方威未制
天政德可伏御地祇束縛魔靈但卻死而已不能更生輕誦此
章身則被殃供養尊禮門戶興隆世世昌熾與善因緣萬災不
干神明護門斯經尊妙獨步玉京度人无量爲萬道之宗巍巍
大範德難可勝

道言凡誦是經十過素靈神金不散至靈耀魄長存陰關自開
諸天齊到億曾萬祖幽魂苦爽皆卽受度上升朱宮格皆九年
受化更生得爲貴人而好學至經功滿德就皆得神仙飛昇金
闕遊宴玉京也上學之士修誦是經素靈合性空體至神金身
得道栖泊上清皆得受度飛昇南宮世人受誦真一守身金德
不朽業火不焚則延壽長年後皆得作尸解之道魂神暫滅不
經地獄卽得返形遊行太空此經微妙普度無窮一切天人莫
不受慶无量之福生死蒙惠上天所寶不傳下世至士齋金寶
效心盟天而傳輕泄漏慢殃及九祖長役冥官侍經五帝玉童
玉女各二十四人營衛神文保護受經者身

道藏輯要

度人妙經

三

角集四

上〇X

道言正月長齋誦詠是經木表金胎五藏生春枯朽老敗得新
長生爲上世亡魂斷地逮役度上南宮七月長齋誦詠是經耀
景金津神威內冥百關堅彊淵池濬靈身得神仙諸天書名黃
錄白簡削死上生十月長齋誦詠是經水得其金結爲聖胎天
地一塵至妙至玄爾能行之變化飛仙爲國王帝主君臣父子
安鎮國祚保天長存世世不絕長爲人君安鎮其方民稱太平
八節之日誦詠是經水火土木併蝕於金永固其神得爲九宮
真人本命之日誦詠是經太一下臨素景耀靈呼子三魂左三
右七役使無停魂神澄正萬炁長存不經苦惱身有光明三界
侍衛五帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲炁之中內外翳冥有青龍白虎朱雀玄武獅子白鶴羅
列左右素景曜靈之炁晃如皎月輝耀頂上日月照明洞煥
室內項生圓象光映十方如此分明密呪曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十二人關啟所言今
日吉慶長齋清堂修行至經元量度人願所啟上徹徑御
无上三十二天元始上帝至尊几前畢

引炁三十二過東向誦經

道藏輯要

度人妙經

三

角集四

元始无量度人上品妙經

元始洞玄靈寶本章素景耀靈上品妙首開天度人虛皇隱韻
混合自然大洞元金空玄玉真堅剛明決神化彌綸不壞無染
變境高清包含太虛內生九元無形真妙道性靈玄元皇布炁
肇立諸天剛風內鼓素耀外旋至陽凝質炁炁流泉結爲大器
二象乃分開明素景是爲靈根上無復祖惟道爲身耀華流結
普植神靈无上玉篇安鎮丹城無文不光無文不明無文不立
無文不成無文不度無文不生是爲大梵天中之天鬱羅蕭峯
金闕瓊山上極玄上大赤清源眇眇浩劫若亡若存三輝帝室
大有黃庭瑤刃朱宮天真玉房太素化炁同徧十方中有素景
道藏輯要

度人妙經

三

角集四

耀靈之真中有南極九玄之君中有度世皇老大神中有太霄
成妙真人中有紫庭真帝元素道君中有南昌定命司變主錄
運化保鎮尊神回骸起死无量度人今日校錄諸天臨軒
東方无極華林神王長生大聖无量度人
南方无極赤文神王長生大聖无量度人
西方无極帝符神王長生大聖无量度人
北方无極元景神王長生大聖无量度人
東北无極青精神王長生大聖无量度人
東南无極圓珠神王長生大聖无量度人
西南无極廣霞神王長生大聖无量度人

西北無極金華神王長生大聖无量度人
上方无極紫霄神王長生大聖无量度人
下方无極靈都神王長生大聖无量度人

十方素景耀靈神王長生度世无量大神並乘層雲金霄八景
之輦玉輿羽輶素蓋飛輪驂駕九光神虎玄甲蒼龍建流金之
節招靈大旛前列太玄寶仗後從三天化兵白鳳麒麟嘯歌囉
囉七耀啟塗三真翼轅億乘萬騎浮空而來傾光回駕召靈度
生西崑上空瑤闕高仙九微大妙黃景元君執符把籙齊到帝
前原兆生胎稟道以來業識念想纏思億寃汨亂素境耀靈翳
昏神光正性曠劫冥頑元始洞火冶鍊純堅金華變體當爲真
道藏輯要

度人妙經

三

XOII

角集四

人粗辱毀敗逐愛散分隨所應度嚴校神靈普告洞淵无極名
山泉沙之嶽北闕寒庭神州五鎮十二溪源三河四瀆溟海咸
池疾除罪簿落滅惡根不得留滯怠縱魔羣元始開化隨運升
遷六天陰官拔度沉魂制玄監舉鍊度朱陵太清降炁仙變成
真生身受度劫劫長存隨劫輪轉與天齊年永度三塗五苦八
難超凌三界逍遙上清上清之天天帝妙玄無色之境梵行
東方八天

玉岐英寶天

帝伯戊景勳

秀峯翠華天

帝眇珍叢池

寶林耀光天

帝芳霄宛驛

眞元靈韞天

帝冥成妙沂

玄符顯靈天

帝肇啓元皇

集瑞慶皇天

帝方稽生

瑤瑰暎虛仙穴天

帝澤嶽匠靈

汶波碧洞神宮天

帝道光仙

南方八天

陽台化景鍊眞天

帝寶宣紀延

南明洞陽天

帝劾章測神

司炎治明天

帝護生極言

檢眞定厯天

帝執機主民

道藏輯要

度人妙經

卷

二

角集四

降炁大光天

帝嚴威四衝

冲和總領天

帝化令正行

溟无赤景天

帝奉皇玉尊

變化定籍天

帝鑑英皓定

西方八天

主福定生天

帝巽都景陽

素景耀靈天

帝綿觀典常

閭圃瑤琳天

帝露溥順華

西臺玉匣天

帝寶當元畸

靈玉治方天

帝訊先求爽

剛山頂龍天

帝奮光紫神

七絕神虎天

帝力關威京

梵炁金乘天

帝嚴幾靜山

北方八天

玄老海藏天

帝宅神岳羅

龍光萬虛天

帝耀金爛剛

雲營周華天

帝微玄部清

忠嶽洞波碧琳天

帝絕嶢珠

瓊宮无極天

帝昭高璿側

蒼目化山天

帝拔方起雲

道藏要

度人妙經

翠

角集四

京臺海穴天

帝濯上慈眞

五神泛洋召靈天

帝宛令西波

三十二天三十二帝諸天隱諱諸天隱名天中空洞自然靈章
諸天隱韻天中之音天中之尊天中之神大化眞魔合變之靈
九復於一十還於九九合十遷素景生輝金無結滯與神同并
神無變壞鍊之卽鮮耀光爲澤共名火宮神金鼓治合會太清
无量之奧杳不可詳敷落三華普鍊神人今日欣逢化度厯試
諸天請降至妙大慶因緣飛步五辰名列高玄眞王監察拘制
元關東斗授神西斗化形北斗注籍南斗開生中斗黃華合景
耀靈三眞之炁發爲金英青帝執規白帝御兵赤帝守衛黑帝

結凝黃帝演化萬道乃成蒼華天王攝炁舉仙丹霄天王上炎
流煙素景天王開天召山玄耀天王通導百川混極天王坐鎮
崑山五天眞王萬神之宗飛行六合遊宴天宮總炁耀靈敷散
太空自號赫奕諸天齊功上天鍊眞同會明堂神王震威掃蕩
不祥青霞布天電火施張丹靈扇飆收滅遊光域中大帥擲劍
剛風騰耀萬里流鈴八衝敢有干試拒抗三官玄鉞前戮神金
後刑屠割祆魅風火無停千千斬戮萬萬誅形邪無侵犯保護
生民六天九宮明檢鬼營不得怠縱金馬交呈曾告羅酆無間
溟泠三界大魔飛章玉京

道藏輯要

度人妙經

聖

角集四
X L X

土炁爲意物乃化形虛皇妙道三象告成玄元建立羅列神靈
明以燭物烈以辨眞動則成禮靜則晦溫神光變化火復依金
金體無變運幹飛輪員華震耀風扇於明乃成大象皇極高清
元微大素金現長庚紫融灌虛白章洞旻流結五炁生育七玄
大洞消魔王惠靈篇共敷至化天晶妙光九龍大劫數極延康
眇眇億劫混化堅剛五炁爲色五精爲淵風水相包泰極無邊
黃臺杳邈朱闕沉冥無形無影無極無窮鴻濛太朴遼廓開生
芒華流彩運度自然虛皇保劫元素玉章丹景結璘大布青房
赤耀至靈演炁十方旋斗歷箕回度五常三垣化闕明列元綱
八景亦文攝炁高玄中太眞上帝飛仙素景金霞嘯詠洞虛

耀靈綠羅交響雲輿玉音泛霄黃華執符紫清鬱岳轉翼元居
金爲神液流貫蒼圖千和萬合自然成真真中至神南昌上靈
通班元老安寶帝尊玄一九輔司命真君簡閱玉章變化飛根
上遊清單出入華源八冥之內細微之中下極重泉九壘淵宮
中治生民萬物混同十轉回靈與炁俱仙仙道貴生无量度人
上開八門耀景天輪罪業禁戒考校因緣普受開度死魂生身
身得受生上聞諸天諸天之上各有生門中有升遷顯耀之章
黃素靈篇辭參高真

第一素景顯妙飛空之音

太虛生至真

太空成有形

運轉無津涯

道藏輯要

度人妙經

聖

角集四
川卷一

普育諸神靈

玄清化圓羅

混黃沉杳冥

錯謬散爲物

冲和構人倫

朗朗諸天境

持握生道根

蕩蕩大化基

八冥歸玉京

元始顯真妙

素景融神金

既悟重玄旨

合體通靈明

七祖升天堂

南昌朝帝尊

五苦永解脫

天魔詠謠音

齊樂真王化

羣類皆長生

第二耀靈常照真王之章

龍漢立劫仞

丹光建元圖

大聖玄一帝

敷落飛天書

高仙受天命

正道祕清都

洞章下玉京

靈光煥八隅

元尊示神變

億天藏藥珠

故以常明金

冶煉貪愛徒

神金真化炁

灌注度凡軀

明明無濁汚

玄精當不枯

耀靈玉景源

常照成空無

巍巍大慈尊

宣演開生符

妙微上清旨

眞悟合玄虛

鍊炁登種民

玉篇從此敷

第三成道變化之歌

百魔樂沉溺

飛仙唯好生

神炁常堅完

三界無死生

既悟上清道

與化相順成

宴景常陽宮

東井浥天津

逍遙度剛風

道藏輯要

度人妙經

聖

角集四

三垣朝帝尊

茫茫大輪下

俯世何營營

一瞬爲虛空

浩劫焉有程

攜手誦大範

素景永清澄

運轉法輪綱

變化通神靈

東桑觀濯羅

西崑眎長庚

使爾見眞教

靈府長虛明

刻名玉眞檢

削落酆泉名

振衣凌太霄

稽首虛皇庭

此三界之上飛空之中飛仙歌音參洞章誦之百遍名度南宮誦之千遍眞王保迎萬遍道備飛昇太空過度三界位登仙公有聞靈音魔王敬形敕制地祇侍衛送迎拔出地戶五苦八難七祖升遷永離冥關魂度朱陵受鍊更生是謂无量普度無

窮有秘上天文諸天共所崇泄慢墮地獄禍及七祖翁

道言此二章並是諸天上帝及至靈真王隱祕之音發明至真妙本生元大神雖因元始洞陽九鍊赤炁玄空真火以爲明識覺了能知之體殊不知堅固不壞經劫不變今古常存湛然定觀全依無上清淨不動至大至剛真金爲質能生能動木風爲助金風相耀遂成炎景洞然而明名曰純一妙靈之炁爲道之玄奧成立混沌生育三才無不由此兆若體之瑩我靈根以自神力徧無窮界仙靈鬼神人龍萬物自我陶鎔十方諸天不從外得皆是大梵之言非世上常辭言無韻麗曲無華宛故謂玄奧難可尋詳上天所寶秘於玄都神霄玉清玉府東寶經室依道藏輯要

度人妙經

醫

角集四

科三萬七千年應運下傳若有至人齋金寶質心依舊格告盟道君然後而付焉

道言夫天地運度否終日月五星虧盈至聖神人休否末學之夫疾傷此皆神炁內虧素金不靈故耀空有待則制殃衰凡有此災同炁皆當齊心修齋六時行香十徧轉經福德立降消諸不祥无量之文普度無窮

道言夫末學道淺或仙品未充運應滅度身經太陰臨過之時同學至人爲其行香誦經十過以度屍形如法素景還復耀靈更明魂神經上南宮隨其學功計日而得更生輪轉不滅便得

神仙

道言夫天地運終星宿錯度日月失昏四時失度陰陽不調國
土生災水火風劫疾毒流行兆民死傷師友命過同學終亡皆
當修齋行香誦經夫齋戒誦經功德甚重上消天災保鎮帝王
下禳毒害以度兆民生死受賴其福難勝故曰无量普度天人
道言凡有是經能爲天地帝主兆民行是功德有災之日發心
修齋燒香誦經十過皆諸天記名萬神侍衛右別至人克得爲
聖君金闕之臣諸天記人功過毫分無失天中眞王亦保舉爾
身得道者乃當洞明至言也

諸天中大梵隱語无量音 道君撰

元始素景耀靈玉篇

道藏輯要

度人妙經

聖

四角集四

東方八天

奎都出陌 化揚入參 霞虛激璘

延訶沂潒 萬竦柘宿 淇華幾欽

轉蘭彩望 晨精典尋 昭盈靈肆

溢卜奚登 擎莊荷露 龍蛟捐沉

靜佐亟道 劉彬緒忱 稭稂蕩卑

里適逾金

南方八天

蓬整絕力 赫難志外 寅珞尤趣

延需利理 琢華透方 儀奔汾郡

哲疆仙稀 珍異寔進 燎灘湯虞

色離弱愿 杳坤陳歆 祕野桓定

角響救戮 陽山致信 風演孔雄

歷帝充保

西方八天

素景奠生 糾都佳萌 健納甲竺

誓攻本神 迨東獻威 相如蘄尊

敬罷欽役 奴軍總雲 吉堂洄侶

至戈鼎熒 萬鑑獨持 化師九成

便良日辟 斗往岡生 浪恥達隨

道藏輯要

度人妙經

巽 角集四

珪山啟兵

北方八天

闡程鈇遼 景生系郎 玄進紫玉

投遠趣光 董真樞靈 星侔箕羌

遁履太幽 北昆杳房 庇夜軍利

氏瑟齊邦 度潛倚霞 命旗洒藏

桑碧螭首 洞玄辭皇 律躋魔丑

臺止寧祥

道言此諸天中大梵隱語无量之音舊文刻書玉臺西真素景之堂以開三辰之光太一典經紫靈醮香元帝命神萬靈華章

目見口言神金流剛舉天承地使兆慧良總持冥機恍惚存亡
鬼入神出變化無方帝之寶書豈世所聞字皆廣長一丈天真
皇人昔書其文以爲正音有知其音能齋而誦之者諸天皆遣
素景神王下觀其身書其功勤上奏諸天萬神朝禮地祇侍門
大勳魔王保舉上眞道備剋得遊行三界升入金門此音無所
不辟無所不禳無所不度無所不成天真自然之音也故誦之
致素景下觀上帝遙唱萬神朝禮三界侍軒羣祇束首鬼精自
亡琳琅振響十方肅清河海靜默山嶽吞煙萬靈振伏招集羣
仙天無氛穢地無祲塵冥慧洞清大量玄玄也

道藏輯要

度人妙經

卷

角集四